

# სახელმწიფო შესყიდვების შესახებ ხელშეკრულების პროექტი

ქ. თბილისი

- - - - - 2022 წელი

ხელშეკრულება ძალაში შედის 2023 წლის 01 იანვრიდან და მოქმედებს 2024 წლის 31 იანვრის ჩათვლით.

**წინამდებარე ხელშეკრულება გაფორმებულია აუქციონის გარეშე ელექტრონული ტენდერის NAT----- საფუძველზე.**

## 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - „სახელმწიფო შესყიდვების შესახებ“ საქართველოს კანონისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე, მთელი დოკუმენტაციით, რომელზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი ორგანიზაცია“ (შემდგომ „მიმწოდებელი“) ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“/„ხელშეკრულების ფასი“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

## 2. ხელშეკრულების დამდები მხარეები:

**შემსყიდველი:** შსს საპატრულო პოლიციის დეპარტამენტი ს/კ 205041177, საფინანსო-სამეურნეო უზრუნველყოფის სამმართველოს უფროსი შალვა ბულაშვილი.

მისამართი: თბილისი, ნოე რამიშვილის ქ. №38. ტელ: 241 87 13;

საბანკო რეკვიზიტები: ა/ა GE24NB0330100200165022, „საქართველოს სახ. ხაზინა“, კოდი TRESGE22.

**მიმწოდებელი:** „-----“; ს/კ: -----; ხელმძღვანელი: -----;

მისამართი: -----; ტელ: -----, ელ. ფოსტა:-----;

საბანკო რეკვიზიტები: სს „-----“, კოდი: -----,

ა/ა -----.

### 3. ხელშეკრულების საგანი

- 3.1. ჰიბრიდული საფოსტო მომსახურება (თანმხლები პროგრამული უზრუნველყოფით) (CPV- 64110000).

### 4. ხელშეკრულების ღირებულება

- 4.1. გასაწევი მომსახურების საერთო ღირებულება შეადგენს ----- (-----) ლარს. ფაქტობრივად გაწეული მომსახურებისა და საქართველოს კანონმდებლობით დადგენილი შესაბამისი გადასახადების გათვალისწინებით.
- 4.2. გასაწევი მომსახურების ერთეულის ღირებულება, ჰიბრიდული წერილის ტექნიკური მახასიათებლები, ასევე წერილის ადრესატისთვის გაგზავნის (მიტანის) ვადა მითითებულია დანართ №1-ში.

### 5. მხარეთა უფლება-მოვალეობანი

- 5.1. მიმწოდებელი იღებს ვალდებულებას ამ ხელშეკრულების პირობების შესაბამისად, ხელშეკრულების ძალაში შესვლის დღიდან - 2023 წლის 31 დეკემბრის ჩათვლით, დანართ №1-ში მითითებული ვადების შესაბამისად, პროგრამული უზრუნველყოფის მიწოდების შემდეგ უზრუნველყოს ჰიბრიდული საფოსტო მომსახურების გაწევა.
- 5.2. მიმწოდებელი ვალდებულია უზრუნველყოს შემსყიდველის მიერ ელექტრონული კომუნიკაციის საშუალებით მიწოდებული წერილის მატერიალურ ფორმატში (ქაღალდზე) გადატანა **დანართ №1-ში მითითებული ტექნიკური მახასიათებების შესაბამისად**, კონვერტში მოთავსება და ადრესატისთვის ჩაბარება საქართველოს მასშტაბით (გარდა ოკუპირებული ტერიტორიებისა) ნებისმიერ მისამართზე **დანართ №1-ში მითითებული ვადების შესაბამისად**.
- 5.3. მიმწოდებელი ვალდებულია გზავნილის ადრესატისთვის ჩაბარების დროს შეადგინოს ჩაბარების დამადასტურებელი მატერიალური ან/და ელექტრონული დოკუმენტი, რომელიც დადასტურებული იქნება ადრესატის ხელმოწერით. დამადასტურებელ დოკუმენტში (მატერიალური ან/და ელექტრონული დოკუმენტი) მიუთითოს გზავნილის გარეგანი ვიზუალური აღწერილობაც, მათ შორის ინფორმაცია გზავნილის რაოდენობისა და ლუქის მთლიანობის შესახებ.
- 5.4. პირველი გაგზავნის ფარგლებში წერილის ადრესატისთვის ჩაუბარებლობის შემთხვევაში, მიმწოდებლის წარმომადგენელი ვალდებულია მისამართზე დატოვოს შესაბამისი სტიკერი, სადაც მითითებული იქნება, რომ ადრესატის სახელზე მისულია გზავნილი (შეტყობინება), ამასთან მითითებული უნდა იყოს მისამართი, სადაც ადრესატს საშუალება ექნება მიიღოს წერილი, წერილში მითითებული უნდა იყოს ფოსტაში გამოცხადების საბოლოო თარიღი, რომელიც არ უნდა იყოს წერილის გაგზავნიდან 25 კალენდარულ დღეზე მეტი.
- 5.5. პირველ ჯერზე წერილის ადრესატისთვის ჩაუბარებლობის შემთხვევაში, მიმწოდებელმა უნდა უზრუნველყოს (შემსყიდველის მხრიდან ყოველგვარი დამატებითი შეტყობინების ან/და ხარჯების გაწევის გარეშე) მისი განმეორებით ადრესატისთვის გაგზავნა, პირველად გაგზავნილი წერილის ფოსტაში დაბრუნებიდან არაუადრეს 30 და არაუგვიანეს 35 დღისა. პირველად გაგზავნის შემდეგ აუცილებელია შედეგის ელექტრონული სერვისებით შემსყიდველის ინფორმირება და მეორედ გაგზავნამდე წერილის სტატუსის გადამოწმება შემსყიდველის საინფორმაციო სისტემაში ელექტრონულად. მეორედ უნდა გაიგზავნოს მხოლოდ აქტიური სტატუსის მქონე წერილები. წერილის განმეორებით ჩაუბარებლობის შემთხვევაში, წერილის ჩაბარების სტატუსი შემსყიდველს უნდა ეცნობოს მხოლოდ ელექტრონული სერვისებით და ის ფიზიკურად აღარ უნდა დაუბრუნდეს მას. მიმწოდებელმა უნდა უზრუნველყოს წერილის განადგურება მოქმედი კანონმდებლობის სრული დაცვით.

- 5.6. მიმწოდებელი ადასტურებს, რომ ხელშეკრულების გაფორმების მომენტისთვის უზრუნველყოფს შემსყიდველისთვის შესაბამისი პროგრამული უზრუნველყოფის მიწოდებას, ახდენს მის ინსტალაციას და პირველად გაშვებას, ასევე ხელშეკრულების ნებისმიერ ეტაპზე უზრუნველყოფს პროგრამული ხარვეზის არსებობის შემთხვევაში მის გამოსწორებას დაუყოვნებლივ. მიმწოდებლის პროგრამული უზრუნველყოფისათვის წერილის მიწოდება განხორციელდება შემსყიდველის მიერ გამოყენებული პროგრამული გადაწყვეტილებიდან ელექტრონული სერვისების საშუალებით. მიმწოდებელმა უნდა უზრუნველყოს ელექტრონული სერვისების შემუშავება და შემსყიდველის პროგრამულ უზრუნველყოფასთან თავსებადობა.
- 5.7. მიმწოდებლის მიერ მოწოდებული პროგრამული უზრუნველყოფით შესაძლებელი უნდა იყოს შემსყიდველის მხრიდან წერილის მიწოდება, ინფორმაციის მიღება წერილის მოძრაობისა და მისი ადრესატისთვის ჩაბარების შესახებ, ამასთან შემსყიდველი ელექტრონულად უნდა ხედავდეს მიმღები პირის ხელმოწერას და საშუალება უნდა ჰქონდეს ნებისმიერ დროს (დღის/თვის ჭრილში) ელექტრონულად შეამოწმოს მიმწოდებლის მიერ გაწეული მომსახურების რაოდენობა და თითოეული წერილის სტატუსი.
- 5.8. მიმწოდებელი ვალდებულია მომსახურება განახორციელოს სრული მოცულობით, ხარისხისა და სტანდარტების დაცვით.
- 5.9. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანსა ან ზარალზე.
- 5.10. შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.

## 6. მომსახურების მიღება-ჩაბარების წესი

- 6.1. ფაქტობრივად გაწეულ მომსახურებაზე მხარეები ადგენენ მიღება-ჩაბარების აქტს, რომელშიც მითითებული უნდა იყოს გაწეული მომსახურების დეტალური აღწერა, შესრულებული მომსახურების რაოდენობა, ფასი და საერთო ღირებულება (მომსახურების ფასები გათვალისწინებული უნდა იყოს დანართი №1 მოცემული ფასების შესაბამისად).
- 6.2. შემსყიდველი და მიმწოდებელი გაწეული მომსახურების თაობაზე მიღება-ჩაბარების აქტის გაფორმებისას ეყრდნობიან ელექტრონულ ბაზაში არსებული გაგზავნილი წერილების რაოდენობრივ მაჩვენებლებს.
- 6.3. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე, ასევე, შესყიდვის ობიექტის ხარისხზე შემსყიდველის მხრიდან კონტროლს განახორციელებს შსს საპატრულო პოლიციის დეპარტამენტის, **ქ. თბილისის მთავარი სამმართველოს, ფოტოფირზე/ვიდეოფირზე დაფიქსირებულ სამართალდარღვევათა განყოფილება**, ხოლო მიმწოდებელი ვალდებულია ხელი შეუწყოს მათინსპექტირების ჩატარებისას.

## 7. გასაწევი მომსახურების ხარისხი და გარანტია

- 7.1. მიმწოდებელი იძლევა გარანტიას, რომ მის მიერ მომსახურება გაწეულ იქნება ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემულ პირობების, **№1** დანართითა და ამ ხელშეკრულებით გათვალისწინებული პირობების შესაბამისად. ამასთან, იძლევა გარანტიას, რომ მომსახურება გაწეულ იქნება მაღალხარისხოვნად, წინააღმდეგ შემთხვევაში, იგი ვალდებულია საკუთარი სახსრებით თავად უზრუნველყოს აღმოჩენილი ნებისმიერი ხარვეზის აღმოფხვრა, ასევე, აღნიშნული მომსახურების გაწევის პროცესში არახარისხოვნად გაწეული მომსახურების შედეგად გამოვლენილი ნებისმიერი სხვა ზიანის აღმოფხვრა (მათ შორის პროგრამული უზრუნველყოფასთან დაკავშირებული

ხარვეზი) შემსყიდველის მხრიდან შეტყობინების მიღებიდან (იგულისხმება სიტყვიერი შეტყობინებაც) დაუყოვნებლივ, არაუმეტეს 1 კალენდარული დღისა.

- 7.2. მიმწოდებელი ვალდებულია უზრუნველყოს ამ ხელშეკრულებით განსაზღვრული მომსახურების უსაფრთხოდ გაწევა და საქართველოს მოქმედი კანონმდებლობის შესაბამისად დაიცვას ის ძირითადი მოთხოვნები და პრევენციული ღონისძიებების ზოგადი პრინციპები, რომლებიც უკავშირდება სამუშაო ადგილზე შრომის უსაფრთხოების საკითხებს, არსებულ და მოსალოდნელ საფრთხეებს, უბედური შემთხვევებისა და პროფესიული დაავადებების თავიდან აცილებას, დასაქმებულთა შრომის უსაფრთხოებასა და ჯანმრთელობის დაცვას. იგი პასუხისმგებელია ამ პუნქტით გათვალისწინებული პირობების დაუცველობით გამოწვეულ შედეგებზე.
- 7.3. ამ ხელშეკრულებით გათვალისწინებული მომსახურების გაწევის პერიოდში მიმწოდებლის მიერ შემსყიდველზე ან/და მესამე პირზე მიყენებული ზიანის რისკი მთლიანად ეკისრება მიმწოდებელს.

## 8. ანგარიშსწორება

- 8.1. ანგარიშსწორება მიმწოდებელთან განხორციელდება ლარში.
- 8.2. ანგარიშსწორება განხორციელდება შესაბამისი მიღება-ჩაბარების აქტ(ებ)ის და საქართველოს კანონმდებლობით გათვალისწინებული შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში.
- 8.3. ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.
- 8.4. 8.2 პუნქტის შესრულებისათვის წარმოდგენილი დოკუმენტაციის სისრულეზე და რეალობაზე პასუხისმგებელია 6.3 პუნქტში მითითებული განყოფილება.
- 8.5. ანაზღაურება მიმწოდებელთან განხორციელდება მის მიერ ფაქტობრივად გაწეული მომსახურების მიხედვით, შესაბამისად ხელშეკრულების მოქმედების ვადის ამოწურვის მომენტისათვის, ხელშეკრულების საერთო ღირებულებიდან გამოუმუშავებელი თანხა რჩება შემსყიდველთან და იგი არ წარმოშობს რაიმე დამატებით ვალდებულებებს მხარეებს შორის.

## 9. ფასები

- 9.1. წინამდებარე ხელშეკრულების მე-4 მუხლში დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრს.
- 9.2. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში, მათ შორის საქართველოს სამოქალაქო კოდექსის 398-ე მუხლით გათვალისწინებულ შემთხვევებში.
- 9.3. ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს თავდაპირველად დადებული ხელშეკრულების ღირებულების 10%-ს.

## 10. ხელშეკრულებაში ცვლილების შეტანა

- 10.1. ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 11. უფლებების გადაცემა

- 11.1. მიმწოდებელს არ აქვს უფლება, შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

## 12. ფორს-მაჟორი

- 12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და არსებობის შემთხვევაში - ხელშეკრულების შესრულების უზრუნველყოფის გარანტიის დაუბრუნებლობას.
- 12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 12.4. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

## 13. ხელშეკრულების შესრულების უზრუნველყოფის გარანტია

- 13.1. იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, გამოიყენება გარანტირების მექანიზმის შემდეგი სახე - საბანკო გარანტია, ხელშეკრულების საერთო ღირებულების --%-ის ოდენობით.
- 13.2. მიმწოდებელს მისი წერილობითი მოთხოვნის საფუძველზე ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმების შემდეგ.
- 13.3. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია. გარანტია არის უპირობო, გამოუთხოვადი და გარანტიის თანხა არ მცირდება შესრულებული სამუშაოების პროპორციულად.

#### 14. მხარეთა პასუხისმგებლობა ხელშეკრულების პირობების დარღვევისთვის

- 14.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები.
- 14.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.
- 14.3. ხელშეკრულებით ნაკისრი ვალდებულებების შესრულების ვადების, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის ყოველ კონკრეტულ ფაქტზე მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით.
- 14.4. ხელშეკრულების შეწყვეტის შემთხვევაში მიმწოდებელს ჩამოერთმევა ხელშეკრულების შესრულების უზრუნველყოფის საბანკო გარანტია სრულად.
- 14.5. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) ჩაბარებიდან ან/და ხელშეკრულების მე-2 პუნქტში მითითებულ ელექტონულ ფოსტაზე შეტყობინების გადაგზავნიდან არაუგვიანეს 1 (ერთი) თვის ვადაში. აღნიშნულ ვადაში ჯარიმის გადაუხდელობის შემთხვევაში შემსყიდველი უფლებამოსილია მიმართოს კანონით გათვალისწინებულ ღონისძიებებს.

#### 15. სხვა პირობები

- 15.1. მხარეთა შორის სადავო საკითხები წყდება მხარეთა მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხს განიხილავს სასამართლო.
- 15.2. ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.
- 15.3. შემსყიდველი უფლებამოსილია ცალმხრივად შეწყვიტოს აღნიშნული ხელშეკრულება თუ:
  - ა) გარდა მომსახურების გაწევის ვადების ან/და ხარვეზის აღმოფხვრის ან/და ნაკლის გამოსწორებისათვის განსაზღვრული ვადების დარღვევისა, მიმწოდებლის მხრიდან დაფიქსირდება ხელშეკრულების სხვა ნებისმიერი პირობის დარღვევის 5 ან მეტი ფაქტი;
  - ბ) მიმწოდებლის მიერ 14.3 პუნქტით განსაზღვრული პირობების დარღვევისთვის დაკისრებული პირგასამტეხლობის ჯამური ოდენობა მიაღწევს 1%-ს;
  - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
  - დ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი
- 15.4. თუ რომელიმე მხარე ვერ უზრუნველყოფს ხელშეკრულებით ნაკისრი ვალდებულებების შესრულებას, ან არაჯეროვნად ასრულებს მათ, მეორე მხარე უფლებამოსილია მომალეს ეს ხელშეკრულება ცალმხრივად, რაზედაც მხარემ უნდა შეატყობინოს მეორე მხარეს 10 დღით ადრე.

- 15.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 15.6. ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისთვის გათვალისწინებული პასუხისმგებლობისაგან.
- 15.7. ეს ხელშეკრულება დადებულია ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და გამარჯვებული პრეტენდენტის (ამ ხელშეკრულებით – მიმწოდებლის) ტექნიკური დოკუმენტაციით განსაზღვრული პირობების საფუძველზე.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად.

შემსყიდველის მხრიდან:

მიმწოდებლის მხრიდან:

---

---